

A inicia e restauracion di Uncle Louis Store

SAN NICOLAS – Diahuebs a anuncia e inicio di e restauracion di e edificio di Uncle Louis Store. Manera cu e edificio wordo restaura, e departamento di Naturalesa y Medio Ambiente (DNM) lo wordo ubica den e edificio.

Uncle Louis Store ta un edificio cu a wordo construi den aña 1951 y cu awe tin un balor hopi importante den San Nicolas. Minister Otmar Oduber a expresa cu Uncle Louis Store ta un monumento cual ta un joya di edificio den e Promenade renoba den centro di San Nicolas. Inicio di e trabounan di restauracion di e monumento aki ta muestra di e compromiso cu gabinete Wever – Croes a pone su dilanti. Pa percursu cu ta haci di San Nicolas un atraccion turistico, como tambe e centro di atraccion pa e herencia y cultura di e historia cu ta sinti y biba na San Nicolas. ‘E edificio ya tin mas di 10 aña bandona, sinembargo, den tur e momentonan dificil cu nos pais por ta pasando den dje pa loke ta e aspecto financiero, toch e vision ta keda pa por engrandec e area di San Nicolas.’

E departamento cu lo wordo ubica den e edificio lo ta DNM un departamento cu ta lucha pa proteha nos medio ambiente, flora y fauna. Ubicando e departamento di gobierno den e edificio ta demostra e confiansa cu gobierno di Aruba ta pone den e desaroyo di e area. Y esaki cual ta un desaroyo cu ta apenas e rais di tur e cosnan positivo cu tin pa pariba di nos isla.

Por ultimo ta gradici Stichting Monumentenfonds den e trayectoria di e proyecto cu a inicia mas o menos 5 aña pasa y cu awe por bisa cu bendicion di gobierno y parlamento, cu e monumento ta wordo restaura, cuida y utiliza. Minister Otmar Oduber a accentua cu gobierno ta sostene tur esunnan cu ta kere den e proyectonan pariba di nos isla y poco poco pero cu confiansa, ta sigura pueblo cu ta continua cu e meta cu a pone dilanti pa percursu pa desaroyo y bienestar di e area.

